

桃花源記 陶淵明

晉太元中，武陵人，捕魚為業。緣溪行，忘路之遠近。

(為：音「圍」，作為)(一字多音、一詞多義)

(緣：沿著)(一詞多義)

忽逢桃花林，夾岸數百步，中無雜樹，芳草鮮美，落英繽紛。

(英：花)(一詞多義)

漁人甚異之，復前行，欲窮其林。

(異：以……為異，形容詞作動詞)(詞類活用)

(窮：直至盡頭)(一詞多義)

林盡水源，便得一山。山有小口，彷彿若有光。

(盡：終止、完結)(一詞多義)

便舍船，從口入。

(舍：音「寫」，捨棄)(一字多音、一詞多義)

初極狹，才通人。復行數十步，豁然開朗，土地平曠，

(才：僅僅)(一詞多義)

(開朗：古義，開闊、明朗，形容空間；今義，樂觀、豁達，形容性格或情緒)(古今異義)

屋舍儼然，有良田、美池、桑、竹之屬，阡陌交通，

(儼然：形容整齊)(一詞多義)

(交通：古義，交互通達；今義，運輸、物流)(古今異義)

雞犬相聞。其中往來種作，男女衣著，悉如外人。

(外人：塵世之外之人)(一詞多義)

黃髮、垂髫，並怡然自樂。

見漁人，乃大驚。問所從來。具答之。便要還家，

(從來：古義，來自；今義，自以前到現在)(古今異義)

(具：詳盡)(一詞多義)

(要：通「邀」，邀請)(通假)

設酒、殺雞，作食。村中聞有此人，咸來問訊。自云：

先世避秦時亂，率妻子邑人來此絕境，不復出焉；

(妻子：古義，包含妻房與兒女；今義，女性配偶)(古今異義)

(絕境：古義，與世隔絕之地；今義，走投無路的境地)(古今異義)

遂與外人間隔。問今是何世，乃不知有漢，無論魏、晉。

(遂：副詞，最終)(一詞多義)

(外人：指桃花源外之人，與上文「悉如外人」之義不同)(一詞多義)

(間隔：古義為動詞，指「隔離、分隔」；今義多為名詞，指「人或事物之間的距離」)(古今異義)

此人一一為具言所聞，皆歎惋。餘人各復延至其家，

(此人一一為「村民」具言所聞)(賓語省略)

(餘人各復延「武陵人」至其家)(賓語省略)

皆出酒食。停數日，辭去。

(出：拿出)(一詞多義)

此中人語云：「不足為外人道也。」

(語：音「預」，告訴)(一字多音、詞類活用)

(為：音「胃」，向、對)(一字多音、一詞多義)

(道：訴說)(一詞多義)

既出，得其船，便扶向路，處處誌之。及郡下，詣太守，

(扶：沿著)(一詞多義)

(向：之前的)(一詞多義)

(誌：留下標記)(一詞多義)

(及：到了)(一詞多義)

說如此。太守即遣人隨其往，尋向所誌，遂迷不復得路。

南陽劉子驥，高尚士也，聞之，欣然規往，未果。

(判斷句)

(聞：聽聞)(一詞多義)

尋病終，後遂無問津者。

(尋：不久)(一詞多義)